

光緒山西通志

山川考五

考二之五

山西通志第二十五

賜進士出身頭品頂戴兵部侍郎兼都察院右副都御史巡撫山西提督軍務臣張煦奉  
旨監修

五臺山 句注山

五臺山在五臺縣東北一百二十里道經以爲紫府山內典  
以爲清凉山上有五峰高出雲表山頂平廣無林木有如壘  
石之靈故名五臺釋藏相傳爲文殊師利顯化之所勝境靈  
蹟震聞寰宇

聖祖仁皇帝首舉時巡之典

高宗

仁宗繼之先後十次臨幸

天章

宸翰照耀巖谷海內名山無能與儷謹紫山脈來自恆嶽以中  
臺爲祖幹分三大支環臺五百餘里而界以潞沁之水東支  
由東臺南臺循清水河直下歷孟縣境至黑山關南與太行  
并陘毗連西支起北臺遶西臺繞潞沁源而行歷繁峙境至  
義谷北與夏屋句注對峙中支則自臺而南蟠回縣域瀆迤  
於代州崞縣定襄境當淖流之曲西與汾川諸山接鄰支條  
糾紛形勢奧衍五峯之外所在異名尋其經絡略以類次

水經注五臺山其山五巒巍然故名五臺晉永嘉三年雁

門郡人袁字記引作雁五百餘家避亂入此山見山中人

袁字記引爲之先驅因而不返遂甯巖野往還之士稀有

望見其村居者至詣尋訪莫知所在故俗人以爲仙者之

都矣今本水經佚潞沁水注  
見太平御覽及廣宇記

仙經山名爲紫府常有紫氣仙人居之

華嚴經疏清涼山者卽代州雁門五臺山也巖積堅冰夏仍飛雪曾無炎暑故曰清涼

括地志山層盤秀峙曲徑縈紆靈嶽神谿非薄俗可棲止者

感通錄代州東南有五臺山者古稱神仙之宅也山方五百里勢極崇峻上有五臺其頂不生草木松柏茂林森於谷底其山極寒故號清涼山山下有清涼府經言文殊將五百仙人住清涼雪山卽斯地也

資治通鑑注山在長安東北一千六百餘里代州之所管其山左鄰恆山右接天池南屬五臺縣北至繁峙縣環基至五百餘里

中臺一名翠巖峰爲衆山發脈之祖峩水出焉

水經注中臺之山山頂方三里西北阪有一泉水下流謂之太華泉蓋五臺之層秀

一統志中臺高三十九里頂周五里一名翠巖峰峰右有甘露泉東南爲靈鷲峰今名菩薩頂東麓有萬年冰九夏不消桃李生冰隙

御題曰淨域東三十里爲梵仙山東南三里有玉花池  
御題曰天開淥池旁有三珠泉南有九龍岡西南有獅子窩  
旁有娑羅樹

御題曰旃林西北有太華池北四十里有萬聖澡浴池  
御題曰無垢

清涼山志有五溪發源二溪左注清河一溪右由西臺下

出我口入滹沱焉水經云巖谷之水出於中臺卽此也

五臺新志中臺丹崖翠壁縹緲雲間實衆山發脈之祖  
南下一支屢起屢伏突出一峰小於翠山名菩薩頂今  
爲黃教大喇嘛駐錫之地

東臺一名望海峰去中臺四十二里西北有華嚴谷華嚴水  
出焉北流入滹沱谷之上爲華嚴嶺清河水出焉南流入滹  
沱

古清涼傳中臺有疊石塔高六七丈中有文殊師利像有  
廟名望海寺後魏時建

一統志東臺高三十八里頂周二里上有紫府廟

御題曰列真之宇東有那羅延洞華嚴谷樓觀谷習觀嚴西  
南有棲賢谷明月池

清涼山志臺頂若鼈脊周三里東谿之水北注渾沱

五臺新志望海峰五更時日出樽桑可以望見大十倍於車輪紅輪之下隱隱有水光閃爍卽東海也那羅延洞風甚寒盛夏有冰五色雲常出其中西北十五里有華嚴嶺清水河發源之處又有仙人洞西南有青峰一名黛螺頂南連望聖臺臺下有東谷池溫湯池溫泉寺南臺一名錦繡峰去中臺八十里

一統志南臺高三十里頂周二里金蓮曰菊佛鉢花燦發如錦故名錦繡峰世傳文殊師利示現之處

御題曰古南臺西北有千佛洞

御題曰禪悅

五臺新志東三十里有聖鐘山狀如覆鐘西南二十里

有三皇巖又名七佛巖西北十五里有清涼嶺清涼泉  
又有清涼石石方平自然紋理厚六尺餘圓圓四丈七  
尺許其上能容數百人然石不附山一夫撼之可動相  
傳以爲奇蹟上有羅漢洞東北有竹嶺又有古南臺在  
臺頂之南二里許

西臺一名掛月峰去中臺四里

一統志臺高三十五里頂周二里北有八功德水

御題曰青洞

百巡盛典舊名栲栳山後改掛月峰月墜峰巖儼若懸鏡法  
苑珠林謂上有小石浮圖其量千計魏文帝所立石上人  
馬迹宛然如新卽其地也

五臺縣志北有祕魔巖逢天陰中有聲如風雨又有薩



山徑通記卷三十五 山川考五 四  
堦巖捐身巖東北嶺下有文殊洗鉢池

北臺一名叶斗峰去中臺十三里

一統志臺高四十里周四里頂有黑龍池卽天井也

御題曰五界神湫南下二十里有白水池與天井通其麓有七佛池南有飲牛池東北有寶陀峰又有黑岸洞

御題曰定水心蓮

西巡盛典北臺山勢最高上薄霄漢因名叶斗峰亦曰掖斗臺側黑龍池禱雨輒應佛經言禁五百毒龍之所也

清涼山志臺東有說法臺羅漢臺紫霞谷俗呼北臺溝藏雲谷在臺南麓

五臺新志北臺雷雨出自山中其上仍晴明東有寶山產銀鑛石綠天花與東臺相連處山麓有金剛窟歷代

高僧參悟之地

由東嶽而北爲柏谷華嚴水所經也水側有慈山其南曰寶山古寶興軍地柏谷之東北爲大會谷谷口淳沱水所源也有二阜並峙於平川者爲泰戲山皆在繁峙界其東曰巖頭山山南有白坡沙河所出東流入阜平縣或云恆水出恆山北谷者或又以爲涇水也

北史自建傳齊河清三年突厥入境析代牧馬數萬匹在

五臺山北柏谷中避賊

案此爲五臺山見史之始

五代史東漢世家僧繼邕於柏谷置銀冶募民鑿山取礦煎銀仰以足用卽其地建寶興軍

山海經秦戲之山淳沱之水出焉郭注今淳沱出雁門鹵城縣南武夫山

說文泝水起雁門郡葭人縣戍夫山

段氏注葭人縣後志無前志屬太原郡此

屬雁門者二郡境相接容有改屬也今代州繁峙縣南有

葭人故城戍夫山即秦戲之山也李吉甫曰秦戲山一名

武夫山在繁峙縣東南溥沱水出焉通典溥沱水出繁峙

縣東南泝阜山明統志謂之小泝山大泝山然則戍夫即

武夫泝水即溥沱之源也

寰宇記秦戲山一名武夫亦名平山

案淮南子地形訓呼泝出魯乎此據其文

脫魯字又

亦曰氏天山

案當是成夫之譌

今日派山

案當作泝山字

誤乎爲平

不誤面音在縣東南九十里溥沱河源出縣東南派阜山

海經云溥沱之水東流注於澗水冀州圖云又經繁峙故

城西三里與五泉合又西南入樓煩郡秀容界又還入崞

縣界東北入五臺南入恆山界

資治通鑑注沙河出繁峙縣東白坡頭口

金攬段玉裁曰趙氏釋水經曰

錄有補泝水一條云泝水源見說文尾見本注其云見本

注者指沽河篇而言不思注列清淇漳河滹易條皆沽河

注者指沽河篇而言不思注列清淇漳河滹易條皆沽河

沱十水總謂之沱水經注皆不及沱水今改經爲沱尾則  
置十水於何地乎設水沱水起雁門後人成夫山東入海  
顧祖禹曰蓋以溱沱爲卽沱水也戴先生曰今沙河一名  
長溪亦作常溪沱水出繁峙縣白坡頭由阜平曲陽行唐  
新樂定州祁州匯唐滋二河其說近是而趙氏引寰宇記  
初學記所引水經注定州沱水云云爲水經有沱水之證  
恐未可  
信也

清涼山志東臺北至繁峙縣界二十里有大會谷臺東衆  
溪交匯溱沱源出於此

繁峙縣志泰戲山在縣東南一百二十里俗名大孤山  
周回約五里山勢峻拔孤峙平川中溱沱水潛源其下  
山西北十里又一阜周約三里俗名小孤山上有砌樓  
蓋明時築以置戍者兩山之側地多沮洳泉水漫淫若  
流若湫悉溱沱源也由大孤山而東經大會谷二里至  
東山之麓有峰巖峙曰巖頭山土人亦稱爲泰戲其南

爲白坡頭與直隸阜平縣界由小孤山西南行二十里  
至小柏峪可取道入東臺又西十五里爲天巖山又西  
至南峪口古柏谷也西北去縣七十里入谷十里有懸  
山又十里有寶山宋寶興軍故地也今名冶子場有華

巖嶺華巖水導源其下北流入滹沱

案孤山以字音誤爲孤以字形誤爲

派其來已久山本二阜近鄰巖頭爲滹沱所源滹沱之  
合音爲孤也巖頭山之東爲沙河所源下流亦名孤水  
故阜平縣亦有孤山小孤山此猶名稱相混者若明  
統志謂大孤山在縣時西北五十里舊通志仍其說兩  
以小孤山在其東又謂巖頭山在縣  
西南六十里則并其方位悉倒置矣

由東臺而南爲長城嶺踰射虎川以達於石盆口爲上峪之  
橫嶺天和石嘴諸山又南歷仙人崖以達於滹沱北岸爲下  
峪之白羊烏牛魚洞曹寨諸山二峪南北縣互二百餘里悉  
清水所環也在五臺縣東境長城嶺之東爲龍泉關入阜平

界灣花岸之東爲黑山關與平山界

一統志射虎川在五臺縣東北一百三十里康熙二十三年

聖祖西巡遣鞏循長城而東忽有虎伏林莽間親挽雕弧射之虎應弦斃居人行旅莫不忭頌因撫臣請

賜名射虎川

五臺新志長城嶺距縣治一百四十里跨山爲石垣關門在山坳越關門而北卽直隸阜平縣界盤折而下者十二里又行八里爲龍泉關石嘴山距縣治一百二十五里山形如覆釜頂有數松橫嶺在上峪高洪口之北距縣治九十里上峪兩山夾爲一溝南北通長百餘里獨至此橫亘一嶺如戶之閉清水河流於嶺北溝中嶺

上下皆二里許摩天砦一名堯山砦

土名羊峽砦在縣又名七角砦

治東北九十里上峪清水河之東岸三面斗絕高入雲表頂有平土數百畝可容馳射有洞屋可棲止後有烏道一綫盤折而上二十餘里乃至其頂順治六年爲土寇所據宣府總兵李延壽築長圍攻之數月不能下頂舊有池足供千人之飲至是水忽涸賊窘甚砦前面近臨清水河賊以長繩繩袋裝麻絮蘸水漉而飲之延壽於上游開渠引河而西河不附砦賊不得水遂潰天和山人稱天貨山因產石炭爲天生之寶貨也在縣治東北四十里兩崖夾峙爲深溝東曰東天和西曰西天和山有龍洞出泉又出盜器沙器石盆山與天和山連距縣治五十里兩山夾峙峭削如壁中開成狹巷澗不

及二十步東行里許乃出口從口外側轉西上攀蘿躡石約百餘步有石盆洞相傳文殊師利初來震旦居此洞中後乃見化於五臺之南臺洞幽深乘炬入行二里許截然中斷架二木以渡至此風水聲甚急人無敢渡者出石盆口北行則上峪通京師之大路也南行則下

峪以上縣東北諸山

暖泉山在縣治東南四十里有暖泉水福

田寺仙人山在縣東南五十里

案寰宇記作仙人巖

石崖上有仙

人坐迹山腹有手迹山下有足迹皆西向鐵拐山在縣

治東南五十里削壁千仞山半插二鐵拐相傳仙人所

遺塞嶧山紗帽山並在縣治南烏牛山蝟虎山並在縣

治東南白羊山在縣治東南七十里丹崖萬仞自下望

之有白羊奔躍狀山下出泉爲東峪河發源之地魚洞



山在縣治東南七十里山脚有石窟泉出其中每歲清明前三日窟中鰲魚躍出過此三日則終年不見片鱗土人以此卜歲之凶豐魚多則歉魚少則豐曹家砦在下峪極南距縣治七十餘里岫嶙拔起四面石壁上可容數千人僅通烏道滹沱水繞其下順治六年爲土寇高山所據總兵李延壽以大兵攻之山乃歸命黑山在下峪極東南黑山坪之東距縣九十里與直隸平山縣連界山路紆盤下臨絕澗山頂有關歸平山縣轄與東北之長城嶺均爲冀境咽喉

以上縣東南諸山

孟縣志滹沱河北與五臺縣連界之山有滴溜磴牛道

嶺

案明開隘考龍泉關南北沿山曲折各數百里所屬

隘口凡六十餘處自陡撞溝以下二十一口爲龍泉北路並在阜平縣境自雞子巖以下二十四口爲龍泉南路內十七口在平山縣境俱道通山西

右臺山東支在五臺繁峙東境者

由北臺歷中西二臺連峰而西爲殺嶺縣互百里北出爲東西峩谷其介乎柏谷殺口者爲繁峙南山曰文岫曰麻谷在其東曰筆峰在其西曰靜明山中值縣城者也介乎東峩西殺兩谷之間者爲代州南山曰鳳凰山稱名勝東起圭峯西訖紫荊並其枝麓也

清涼山志大黃尖在臺北二十里古志以爲北臺古志叶斗峰爲中臺翠巖峰爲南臺後以錦繡峰雲迹顯彰定爲南臺則翠巖居中叶斗爲北臺谷傳以爲中臺高於北臺

誤指古北臺也又云愁山在臺北昔有梵僧從魏文帝丐  
一臥具地帝許之其僧展具覆五百里帝知爲神僧馳馬  
徑去山隨後逼之帝還顧曰汝愁耶山乃止

案山屬繁峙  
縣志大黃尖

在縣東南九十里愁山在縣東南  
八十里華嚴水西去南峪口十里

五臺新志東峩嶺在縣治北八十里賣村川大小柏鋪  
之北過嶺卽繁峙界爲通代州之路與西峩嶺一山相  
連西峩嶺在縣治西七十里盤折而上高五里山半有  
泉僅供行人掬飲踰嶺卽宗海溝爲通代州之路

繁峙縣志入五臺者東則由南峪

卽柏谷

西必取道於嶽

口南峪口之西二十里曰宋王嶺下臨宋峪有宋王城  
不知所自又西十里爲李牛谷北距縣三十里谷之南  
有山曰小五臺又西五里曰文岫山亦曰黎峪山山中

寺高僧金碧峰藏修處也

游涼山志在北  
臺西四十里

又五里曰麻

谷有古寨爲金七鎮之一麻谷之西爲公主山俗名娘

子崖

縣東南二十里清涼山志公  
主寺後魏誠信公主出家建

又西曰靜明山北去

縣十里與縣城相值山之西有三峰亦曰筆峰山又西

二十里爲馬鬣山在峩口東南峩口與代州夾峩河爲

界河之西有圭峰山又南有龍洞祕魔崖菩薩埕皆西

臺靈蹟也北去縣六十里又二十里至峩嶺循嶺而東

三十里至獅子窩皆與五臺縣界

代州志東峩峪在州東南五十里峩水出焉卽中臺之

太華泉也

繁峙縣志太華池水西北流至獅子窩入縣  
界至巖頭村與北臺黑龍池水會又有峩嶺

水自南來注之合而北流過圭峰  
東而行山中九十里至峩口出山兩山壁立高數千仞

圭峰山在峩谷內舊志曰山本豐而末橢象圭之終葵

山下明月巖其石似月盈時東澗有峰半巔石竅洞開  
名穿心洞俛入洞口輒高朗可容數千人明正德八年  
敵大入樓洞者俱不及難三台山在圭峰西距城四十  
四里三峰矗峙若泰階然黑山在州東南三十五里其  
地巖谷深窅陰晦中時有光怪土人謂之神鉞伏牛山  
在州東南二十五里

一名牛心山與州北之覆舜山在宿山同名蓋字記誤爲一

州東南十五里上有舜祠舜子寺寺外井泉清冽名龍  
鳳井亦曰舜井山下臨鳳游峪峪卽東陘關也水經注  
曰雁門郡北對句注東陘其南窵宇記東陘關甚險固  
在州東南二十里今峪道修阻南通五臺元和志代州  
東南取崩石嶺至鎮州或卽今楊林嶺也北距峪口五  
十里爲州與五臺之界

案東陘西陘皆因句注陘而名古雁門關爲太和嶺在今關之

鳳凰山在州南二十里後  
鳳凰山在州南二十里後  
鳳凰山在州南二十里後

魏大武時鳳凰見此故名上建來儀觀唐改名嘉瑞山

有天柱玉女玉案食仙養龍五峰其北爲真人谷風門

南爲青龍門觀旁有鳳游洗參飲虎詣池桃花水簾丹

砂藏劍諸洞唐朱自然朱海蟾子休休子皆嘗棲息其

處香鑪山在州南二十里中解口之南四角校起儼若

鼎羹西峩谷在州西南十里紫荆山在州西南二十里

地與崞縣界上有趙武靈王祠青峰瘦削高閣雲表西

峩水所導源也出谷至中解其流始巨北入滹沱

元好問兩山行記甲辰夏五月八日子以事當至崞縣

初約定襄李之和偕往適幕府從事宣德劉惠之平陽

李幹臣還軍官山過晉州遂與同行是日行八十里野

宿天涯山前明旦入縣劉李別去子獨游神清觀舊聞  
行臺員外廣甯王純甫棄官學道築環堵而居甚欲見  
之乃屬其徒潞人和志冲道姓名純甫問子來欣然出  
迎子謂先生方晏坐不肖之來將無妨靜業乎曰習靜  
固道人事然亦有不應靜時因相與大笑已而之和至  
同郡莊煉師通玄時住此縣之天慶觀攜酒見過乃聚  
話於西齋純甫先隱前高于問前高景趣比雁門鳳凰  
山爲何如純甫言前高去此五十里而近君能一游到  
則當自知之于竊自念言先東岩君生平愛鳳山然竟  
不一到故詩有鳳凰聞說似天壇北去南來馬上看想  
得松聲滿崑谷秋風無際海波寒之句于二十許時自  
燕都試乃與客登南樓亡友蘇莘老同德潤張九成王

仲容輩說山中道人所居有松風軒層檐高棟半出空  
際長松滿澗谷如雲幢煙蓋植立擱榻之下山空夜寂  
石上閒墜露聲使人耿耿不寐疑時聞此固嘗以不一  
游爲恨矣北渡又十年每過雁門壽甯武尊師子和圓  
果慶上人鍾秀李文必以此山爲言是則夙志爲不可  
負而前高之游當次第及之也卽日與純甫之和並山  
而東出雁門之南夜宿王仲章道正瑞雲菴菴在鳳山  
之麓山中來儀觀仲章主之道士孫守真年八十童巾  
入道其家爲此觀黃冠者至渠十五世矣亂後無圖志  
可考山之故事多從此翁得之十一日仲章步送入山  
由真人谷行夾道雜花盛開水聲激激自澗壑而下且  
行且止不知登頓之爲勞也半山一峰爲釣魚臺其上



爲十八盤爲青龍嶺爲風門由風門而下繞佩劍峰之  
脊爲來儀觀觀在山腹峰迴路轉臺殿突起雲林悄然  
別有天地信靈境之絕異也觀有天寶四載石記是道  
士董思彌所造思彌殆學究之粗能秉筆者耳文部而  
義隱讀之或不能句故雖鄉人少有知來儀之始末者  
予爲之反復數過始見崖略蓋後魏太武嘗都於此師  
事寇謙之授祕錄自崧高迎謙之末居此山時有鳳凰  
見太武爲立觀且以鳳凰名之觀歷周隋至唐而廢其  
人谷本以謙之爲言而訛爲質兒鳳游池以鳳凰來游  
爲言亦轉而爲伏牛開元初北岳先生諫議胡山隱案  
圖誌求故實嘗爲辨之天寶元載敕天下元元廟有預  
毀者所在長官量事建修又古今得道昇仙之地代遠

迹存者皆虔加禮懃此山應焉北京居士高談幽辟殺  
煉師高敬臣乃共補葺之碑文刻云天寶五載改鳳凰  
山爲嘉瑞山八載置天長觀蓋唐以元元爲祖天長者  
以允祚而言之也觀度道士七人高悟真董參元馮通  
元朱自然孫伶然餘二人石闕供養童子尉遲如玉朱  
自然姓名下別刻云自然以天寶十三年七月十五日  
昇天其日未時至京陳謝唐天子天子異焉敕中使覆  
勘如玉以後十日亦上昇孫守真言朱仙翁上昇事觀  
台有敕書碑唐以後序經喪亂焚毀略盡獨董記僅存  
耳來儀觀額政和七年九月兵馬鈐轄知代州王機建  
摧發造河東沿邊安撫司公事王誨書觀之東有養虎  
峯飲虎及五斗二泉南有天柱峰峰之南有神山與五

臺境接西南有玉案峰西北有煉丹峰洗藥池次有玉女峰峰南有會仙峰傍有五葭樹北有王母池佩劍峰有白虎池谷中有水簾朱砂白雲三洞青龍嶺旁有桃花洞觀北少西洗葭池又名青龍池門之下有歐游池中殿曰太霄太霄前石壇上有大松名昇仙樹門右有松高與壇樹等名翠仙佩劍之下有燒藥爐壘石故在白虎池之下有鳳栖樹立石爲識凡洗葭望仙昇仙藥竈悉朱自然遺迹也自餘葛洪煉丹鑪孫真人養虎峰四子峰有莊列亢倉文子祠土人便謂向上諸人皆嘗隱於此殆齊東語也予恐識者或並其可信者而疑之故不錄守真又言神仙劉海蟾以天聖九年游歷名山所至並有留迹代州壽寧寺詩十韻云醉走白驢來倒

提銅尾乘引筍碧眼奴擔著獨壺瘦自言秦世事家住  
嵩洪井不讀黃庭經豈燒龍虎鼎獨立都市中不受俗  
人請欲攜霹靂琴去上芙蓉頂吳牛買十角溪田耕半  
頃種疏酸白膠便是仙家景醉臥古松陰閑立白雲巖  
要去即便去直入秋霞影仍自寫真其秀撒襟書逸鶴  
齊壽四字題云廣甯閑民劉探書此詩宋白皞子西會  
次韻子西於詩號爲專門極力追之曾不能彷彿仙材  
凡筆固自不同世俗所傳劉翁入道詩所謂子因太歲  
生燕地十六早登科甲第者吾知翁碧眼奴亦常蓋道  
之矣今全真家推翁爲初翁之姓名鄉里且不能知况  
其道乎是又可爲一歎也來儀亦自寫真飛白清安福  
壽四字所畫五星惟土宿獨存已上皆在太霄殿外壁

土宿閉目倚一幃坐下一牛四字清安在東福壽在西  
說者以爲心清而安則福壽從之翁此書不爲無意也  
寫真在西南一幅巾黃衣右肩挑酒瓢左肩提布錢破  
處稔補之氣韻古澹望之知爲有道者年歲既久將就  
涇滅惜無名手爲臨摹之耳守真住山五十年不省有  
爲猛獸毒螫所傷害者山中靈異甚多佩劍峰劍聲鏗  
然陰晦中時有光怪照山谷皆明滌夜或聞音樂雜作  
琴箏箏笛歷歷可辨仙犬時吠今年上元邨落來燒燈  
者及聞之之和持莊煉師所餉酒來月中飲之是夜雷  
雨大作遂不果山氣蒸鬱可喜可愕雨從林際來設設  
有聲雲煙草樹濃澹覆露不雨時頃而極陰晴晦明之  
變夜參半星月清月中庭散步森然魄動惜清景之不

可久留也之和賦詩于亦慢作樂府一首欲爲純甫醉  
後歌之明日期城中請公不至留題殿壁而去下山宿  
孫張道院又明日爲前高之游

右臺山西支在繁時代州南境者

由中臺而南歷南臺東循清水河西臨我嶺以達於崞縣銅  
川爲五臺境內諸山其得名獨古者曰慮虺山在縣北曰五  
洞山當清水河曰峽山跨源沱河並在縣南銅川者隋故縣  
也白川而西北連西峩南達忻口爲崞縣之東山曰天涯山  
其最著者白川而南西起忻口東臨銅河皆天涯之支爲定  
襄之北山悉源沱水所環也

隋書地理志秀容縣開皇初置銅川縣十八年置忻州大  
業初州廢又廢銅川

文中子世家銅川府君諱隆文中子之父也隋開皇初以

國子博士出爲昌樂令遷猗氏銅川所治著稱秩滿退歸

送不仕案文中子關瑋開皇四年銅川夫人經山梁履

銅爲桐送誤以州之銅程故縣爲銅川故沁州有文中

子祠又偶造古碑以賞之見元道山集元李治教密古中

書云向萬峰轉之桐川又道山集有桐川與仁鄉飲詩並

十一村金元兩朝刻篆五臺因五臺升爲臺州故席其七

字前明復刻遠峙然銅川在崞縣別一區字距縣一百

五十里語言風俗與兩縣同

五臺新志蓮花山在縣北百餘里中臺之南古竹林寺

之後山也層巒霄翠一帶蒼松樓閣隱見於其間風景

最盛金剛嶺在縣北九十里爲入五臺山之門戶嶺有

大刹曰金剛寺松柏成林皮箱崖上有朱書十六字天

然生成人莫能識窺戶崖石徑一綫裁可容足並在縣

治北百餘里三台山在縣治東北九十里上峪松巖口  
村後與摩天砦隔清水河東西斜對巋然高大氣象端  
巖山前平土坦闊水田縱橫東明山在縣治東北五十  
餘里山腰一孔同如璧月與縣治西月掛山相望山下  
卽峽口廐陽河自西北來至此入清水河廐陽嶺在縣治東北三十五

里石磴盤折高三里許山凹有大剎殿闊宏巖嶺東連  
遂而下高五里獨龍山在縣治東北四十里下有石罅  
清泉出焉曰龍池太師塢在廐陽嶺北有龍灣水下流  
入廐陽河二仙山在縣治東北四十里巖間三石遠望  
如人一坐一立山左半里一石笏如冑直立石色蒼紫  
爲紅崖池東爲太師塢慕姑嶺在縣治東北二十五里  
蘇子坡北土山中凹有路通五臺山漢嶺俗名寶村嶺



在虎陽嶺西北六里南面迤邐而上不覺其高北面盤旋而下高五里至趾卽大小竇村通五臺山之大路也  
象山在縣治北五十里青松數百株下有藟若九女山  
在縣治北四十里有九仙岩黛石嶺在縣治西北三十餘里山凹有大廟極闊麗青松蔚然過嶺入竇村川錦屏山在縣治北二十五里石壁層巒巖花嶺樹色若錦屏以上縣北諸山慮屍山在縣治西北十五里土名蘆虎山狀如伏虎山麓出泉曰伏虎泉峯山在縣治西北二里許山形圓突西南兩小巒相屬如珠爲縣城藩脈之山縣治附近有五山亦有小五臺之稱以峯山爲小中臺天蓬山在縣治東十五里東山一帶接吞蜿蜒一峯獨高人稱爲小東臺南神巒在縣治南八里小山圓突特

起上有漢文帝祠相傳文帝王代時遊獵至此廟後有古松數株蟠屈如虬龍人稱爲小南臺紫羅山在縣治西南八里俗稱臺神塔因上有臺駘神廟也巒頭高聳廟踞其側望之如小城蒼松翠柏蔚然成蔭爲近城遊眺最佳之地人稱爲小西臺青山在縣治西北十五里一峯高插霄漢北眺五臺參差雲表南瞰滹沱蜿蜒一帶縣治附近之山更無高於此者人稱爲小北臺玉皇嶺在縣治北三里龍泉山在縣治北五里閣嶺山在縣治東北十五里山門建閣下爲門每雲起穿門而過望之如湧絮黃岡山在縣治南二里一峯聳峙每雲冒其上卽雨最驗寶髻山在縣治南十里有香爐峰眞潛洞避雨巖孤髻山兩峰如了髻鳳囓山兩山相接如鳳鸞

盤翁之形並在縣治南十五里莎泉山在縣治東南十

五里有莎泉寺

以上縣治附近諸山

柏嶺山在縣治南二十五里

突兀山在縣治南四十里狀如筆頭上建老子祠黃石

山在縣治南有瀑布水下數仞五洞山俗名窩頭山在

縣治南四十里山連岡阜周廻百餘里爲合縣產石炭

最多之地峽山在縣治南五十里南北山勢合脊中間

一罅峭壁如削高插天半滹沱河出其間水漲時山根

無路人畜不能行於北岸山脚鑿石窟以通之石窟凡

兩段一長十餘步一長三四十步爲南路赴平山販布

必由之路由此而東則入下峪過黑山關卽平山界矣

望景岡在縣治西南二十二里通縣治之孔道岡南岡

北寒燠判然岡北朔風凜冽過岡而南則和風拂面矣

紅山在望景岡右形如回首之牛爲滹沱河北岸諸村

落脈之山鼓山在縣治西南三十五里滹沱北岸槐陰

村後山頂石盤形如鼓

以上縣南  
路諸山

月掛山在縣治西山

上一孔玲瓏如月黃金山在縣治西五十里小山巋然

特起砂石中有金星小嶺在縣治西六十里山形馬鞍

望之如帶踰嶺卽崞縣界小石門在縣治西南三十五

里兩石崖壁立如門磨子山在石門南二里許小山圓

突下有泉

以上縣西  
路諸山

崞縣志紫金山

代州志  
在縣東北

三十五里趙武靈王

冢在焉龍尖山在縣東六十里北接代州五峰山在縣

東二十五里高峰群列松柏蒼蔚其西土岡橫互形類

犀角下流澗訖似人伏枕而臥者中峰有祠泉水出其

下凭牛山在縣東南三十里有廣禪侯廟

通志有神池宋真宗嘗封

山神志稱通聖即君土人

天涯山在縣東南四十五里

峭石壁立雪下隨消前有石鼓建石鼓神祠

通志形似芙蓉土人

名蓮花峰古石鼓山也地形志秀容有石鼓山神金志

時有石鼓山北史乾豆陵步藩至樂平郡齊武獻王與

爾朱兆破之斬步藩於秀容之石鼓山唐陳陶詩十年

馬足行多少兩度天涯地角來志以石鼓爲天涯五峰

爲地角又金元好回光嶺在縣東南六十里相傳五臺

山起五色雲至此嶺止而復回因名福壽山在縣東南

七十里下有溫泉山左卽石鼓山銅河水發源由西北

而東南又東入滹沱將軍山在縣東南七十里有韓厥

廟山石上有馬蹄迹將軍山之北有故城遺址疑卽錫

州孤立平川中故俗又稱孤山又代堯圍山在縣東

南一百里東界五臺縣上建堯廟有天地二池冬夏不

竭

通志作堯天山在縣東南七十里又有逆草坡在龍

縣東南百里銅川其草枝葉皆倒垂下色青赤云龍

山在襄園之南十里許

通志作龍尾山在

馬鞍山在龍

山西上有龍祠每歲伏日銅川八十二村賽社於此鳳

凰山在縣東南百二十里東界五臺縣有石可作硯

舊通志忻口諸山在忻州北五十五里玉箭崖在口北

東岸土人名將軍背蝦蟆石在口北東岸以形似名

沱水出崞縣東南流合沙河入忻口鑿又東流入定襄

境諺云水滄蝦蟆石東煙真定府又有石蛇山覆香山

石谷山屠岸賈洞

以上忻州北山

龍山在定襄縣西北三十五

里東西互二里遞高二里西接忻口連州界猫寨山滹

沱水經其旁山麓有暖泉橫山在縣治西三十里東西

互三里遞高二里象山東西此獨南北元遺山詩云橫

山猶帶鳳凰形鳳凰山亦距縣三十里柏樹嶺一名漆

郎山在縣北三十里崞縣志縣東南一百里山洞中鑿漆郎像乃

孫讓漆身地也洞外石有足迹馬蹄迹鐵石山在縣北

三十里東西互三里高二里連大小龍山石重而黑能

吸鐵縣志又名金鐘山大小龍山北連臥虎山東有龍母洞洞

口劣三尺行三四十武始敞豁有龍母像石磴後一穴

尤遙雙禱雨以獲水漬香爲驗卧虎山東西互三里趙

老懷山互二里並在縣北三十里金人趙宜之所居也

有愚軒遺址以上定襄北山與忻口山連東與五臺鼓山界

右臺山南支在五臺縣及崞縣東境忻州定襄北

境者

句注山亦曰句注陁卽雁門也在代州西北二十五里山西

起分水嶺得灤水源爲甯武之天池東訖平刑關連枝回嶺  
及渾源之恆嶽橫互二百餘里介渾沱桑乾兩川之間關道  
北出通大朔甯三府地古曰西陲亦曰西陲又曰陲嶺爲九  
塞之首宋遂以山畫疆爲陲十八明代因之築垣設堞號內  
邊又與甯武偏頭統稱三關茲推尋舊蹟以偏頭屬武州塞  
記始甯武軍口東連十八陲爲山之全境

爾雅北陵西陲雁門是也

漢書地理志雁門郡句注山在陰館太原郡廣武縣河主

夏屋山在北

案村主卽句注之嶺

呂氏春秋天下九塞其一句注

河東記句注亦曰陲嶺自雁門以南謂之陲南以北謂之  
陲北



寰宇記句注山一名西陘山在雁門縣西北三十里水經注云雁門郡北對句注東陘其南九塞之一也晉咸甯元年句注碑曰蓋北方之險有盧龍飛狐句注爲之首天下之阻所以分別內外也

兩鎮三關志雁門封山表郡舊矣十八隘自朱有之朱失山後以此爲防

方輿紀要雁門關舊名句注在今關西數里元廢後遂移置於此蓋卽句注故道改從直道南出耳代州志古雁門關在今關西十里餘里卽太和嶺道也唐始置關宋金元因之今關雖建自明然亦唐以前北出之通衢北史河清三年突厥逼自陘巖凍滑歸窟以度卽今關道蓋太和路乾而多峻坂今關積夷而多澁溝入冬則堅冰塞徑車馬踰蹙不易度也史記趙襄子踰句注而被并代趙世家趙有代句注之北漢六年匈奴圍韓王信於馬邑信降匈奴匈奴遂引兵南

勳句注文帝後六年匈奴入上郡雲中以蘇意爲將軍屯  
句注武帝元光五年詔發卒治雁門險阻自漢中平以後

羌胡大擾陜北之地皆爲荒外魏晉時并以句注爲塞曹

魏青龍元年鮮卑軻比能誘保塞鮮卑步度根

原注時步  
度根保太

原注與結和親自勒萬騎迎其累重於陜北并州刺史畢

軌請出師拒遏魏主詔曰慎勿越塞過句注也時軌軍已

先進果敗晉永嘉四年鮮卑拓跋猗盧帥部落自雲中入

雁門從并州刺史劉琨求句注陜北地琨徙樓煩馬邑陰

館繁時時縣五縣之民於陜南以其地與之咸和二年後

趙石虎擊代王紇那於句注陜北紇那兵敗徙都大甯以

避之太元二十一年拓跋珪大舉伐燕南出馬邑踰句注

後魏太和十八年太子恂將遷洛陽不欲行其黨元隆密

謀留恂因舉兵斷關規據陜北不果關卽東陜西陜二關也後周保定二年遣楊忠會突厥自北道伐齊拔齊二十餘城齊人守陜嶺之隘忠擊破之至晉陽而還隋大業二年漢王諒舉兵并州遣其將喬鍾葵圍代州朔州刺史楊義臣奉詔往救夜出西陜鍾葵敗走唐志西陜關名也在雁門山上東西山巖峭拔中有路盤旋崎嶇絕頂置關謂之西陜關亦曰雁門關西北去朔州馬邑縣七十里南去代州三十里武德二年劉武周引突厥入勾注寇太原五年突厥頡利入雁門寇并州永隆二年裴行儉討突厥餘黨伏念壁代州之陜口卽西陜也會昌二年回鶻犯塞詔河東節度劉河進屯雁門關虜寇雲中沔擊卻之廣明初沙陀入雁門關寇忻代逼晉陽陷太谷五代唐清泰二年

契丹救河東謂石敬瑭曰吾自北來唐若斷雁門諸路伏  
兵要警則吾不得進矣使人覘視皆無之吾是以知必勝  
也石晉天福九年契丹南寇入雁門關宋太平興國五年  
楊業剋代州契丹來業自西陁出至雁門北口南向擊之  
契丹大敗雍熙三年楊業等自西陁追破契丹兵於崧州  
元豐志雁門山有太和巖亦曰太和嶺靖康二年金人劫  
欽宗帝后離青城自鄭州而北至代度太和嶺至雲中明  
初傅友德克大同引兵巡太和嶺天順二年蒙古孛來等  
寇大同直抵雁門忻代遣都督顏標馮宗屯紫荆倒馬二  
關爲聲援寇益肆勅二關兵出雁門關乃卻嘉靖十九年  
吉囊由白泉口原在河曲縣長驅至甯武關太和嶺南掠至平  
遙從容亦越太原至石州今雁門關在州北四十里爲成

守重地與甯武偏頭爲山西三關

舊通志雁門平刑盤道梁爲陜隘由雁門東顧則平刑

西顧則盤道梁介乎東者則水峪胡峪馬蘭茹越小石

大石大安圍城凌雲壺虛馮介乎西者則太和百草八

岔小蓮夾柳燕水雕窩元岡焉是所名十八隘也自宋

有之案此多明代所設之成其名自茹越小石大石

太和諸隘外皆非舊故如築峙之北樓崞縣之

上陞陽武蓋板備見於史者反不數及蓋雜採州縣志

約略立說其實明代隨時築立城堡不止十八隘也別

詳閱陜考

代州志雁門在晉有三一爲今陽高縣北之陽和口雁

門水出焉卽西洋河山海經雁門山雁出其間在高柳

北是也一爲今靜樂縣之雁門鄉大平寰宇記雁門關

在憲州東南六十里屬天池縣是也而惟代州之山最

著然自宋以前史但謂之句注西陘陘嶺陘口凡云雁門者悉郡縣名非山名也因疑爾雅之西陘亦在高柳戰國策蘇厲與趙王書云反至分先陘於趙至分卽陘山先陘卽西陘陘對舉明是二地

其在甯武朔州界者曰累頭山山之陽灤水出焉是爲分水嶺在燕京山之左桑乾河正源也循源而北歷陽方口有禪房山南去甯武二十五里由山脊左轉迤而南曰盤道梁古上陘也在崞縣界北出口曰翠峰山在朔州界

漢書地理志雁門郡陰館縣累頭山治水所出

水經注灤水出於累頭山

戴氏震曰灤原本及近刻並譌作灤說文灤水出雁門陰館累

頭山東入海力追切魏書作灤已說舛一曰治水泉發於若器則不得讀力追切今從說文爲正

山側沿波歷澗東北流出山逕陰館縣故城西又東北左

會桑乾水縣西北上平洪源七輪謂之桑乾泉卽索涓水者耆老云潛通承太原汾陽縣北燕京山之大池池在山原之上世謂之天池古老相傳言嘗有人乘車於池側忽遇大風飄之於水有人獲其輪於桑乾故知二水潛流通注矣

隋書地理志雁門郡崞縣有燕京山土城

案燕京今本誤作無京土城當

卽土障今  
盤道梁也

寰宇記累頭山在雁門縣西北六十里卽句注障西北三十五里山也

方輿紀要土障寨在崞縣西北東魏武定元年高歡築長城於肆州北山西自馬陵東至土障宋雍熙三年吳丹寇代州張齊賢卻之乃北走齊賢先伏步卒二千於土障寨

掩擊之契丹大敗九域志崞縣有土澄寨

北史作澄

崞山在

朔州西南七十里東連石碣峪南通甯武軍山口燕京山

在州南百二十里卽管涔山也

甯武府志分水嶺在府西南四十里嶺東爲恢河源嶺

西數里爲汾河源意此爲遼宋分界處恢河東北流經

郡城南門外又東流出陽方口入朔州境一名渾河禪

別山在府東北二十五里連雁門山高二十餘里周盤

二十里山中有洞石佛龕其中不知何時鑿者又華蓋

山郡北倚郭山也俯瞰城隍一峰特秀形若華蓋明時

築護城墩樓萬壽山在治東北有秋泉卽通志古泉也

旁甃以石一泓澄澈又云陽方口爲中路第一衝口地

勢平漫十萬騎可成列以進盤道梁宋土磴若也西至



陽方堡六十里南至崞縣七十里

謹案恢河卽灤水水經所云沿波歷澗東北流出山者卽今之陽方口其字明統志作灰甯武志易爲恢文誤而晉猶相近方輿紀要以爲馬邑川水舊通志又以洪濤山當累頭山謂洪濤泉卽灤水準以酈注地道方向均未詳核

翠峰山之東曰紫金山在馬邑鄉南其麓有陰館故城又東爲太和嶺古西陁道也爲句注七峰之首山之陽有白仁巖在代州崞縣界

朔平府志紫金山在馬邑南五十里高二十餘里與筆架山相連東西俱接代州形勢險峻巉巖盤踞綿亘百里案志又載有神武尖山在朔州東南百餘里當是下一山其名則因地形志朔州郡縣兩傳合於此

開城在馬邑境三十五里有城基址周八里世代莫考

字即漢陰館縣也後漢雁門郡治襄  
宇記陰館城今名下附城此訛爲開

代州志句注山河東記謂以山形句轉水勢注流爲名

今土人名曰北斗山以山有七峰似斗也又呼爲牛斗

譌爲牛頭則因西與累頭山相連而有其稱實一山也

其上有太和崖一名太和嶺下有白龍池南出爲太和

頽口一名神仙隘古雁門關道也白仁巖在州西北四

十五里巖東鄰陘口北倚累頭與崞縣界舊志曰晉釋

惠遠於此建寺巨石上有石浮圖峰頭有說法臺棋枰

石定心石崖下有石井五濁灼者二其三清冽可鑑山

徑盤曲古松萬株梵宮琳宇縹渺天際寺後峭壁屏列

摩崖刻白人巖字其大盈丈明侍郎萬恭書也

盤道梁之南嶺溪錯互以達於揚武峪內之元岡皆雁門西隘也其石出者有六盤嶺石湖嶺鷓兒嶺並在甯武南其左曰長城嶺嶺北曰石峽峪出峽口而南崢山在焉又南爲羊虎谷卽揚武峪也並在崢縣西峪之南有前高山黃嵬山則句注之餘支汾川之左翼也迤西有蘆板口爲古樓煩關西入靜樂界

唐書地理志崢有石門關靜樂北有樓煩關

宋史地理志崢有蘆板陽武石峽土磴四峒

韓琦傳至和二年琦知并州契丹侵耕陽武砦地琦鑿塹

立石以限之劉庠傳熙甯八年割地與契丹以黃嵬山分

水嶺立新疆東西失地七百里

通鑑長編熙甯七年沿邊增修城壘起鋪舍雁門以

北甯陵入蔚應朔三州界遼遣使來言疆事詔太常少卿劉焜境上合議八年遣使蕭禧木會於大黃平議不能決

初造指諸應湖分水嶺土嶺爲界及行視無土壘乃曰但以分水嶺爲界凡山皆有分水無可指據遂復瑯琊東致日書詔知開封府韓維代復遠知制誥沈括先報聘括謂臣嘗院閣故實得頃歲所談遠事書指石長城爲界去今所爭黃鬼山三十餘里帝喜曰大臣殊不究木末幾誤國事括至遠遠相揚蓋成來就議括得地訟之籍數十以應之遂知不可奪遂舍黃鬼而以天池請括還王安石進曰昔欲取之不可同與之於是詔緝割地界遠東西尖地凡七百里其後遂句取而不耕

方輿紀要崞山在崞縣西南三十里漢以此山名縣

案漢在澤源州水經注所云崞川崞山亦在州揚武谷縣西三

十里揚一作羊或作陽自昔戍守要地也唐大曆十三年

同紇入寇代州都督張光晟破之於羊武谷

案唐書本紀作羊虎作武五代唐清泰三年石敬瑭據河東求援於契丹契丹

將兵自陽武谷而南石晉開運二年契丹寇河東劉知遠

敗之於揚武谷蓋雁門西偏之要隘也九域志崞縣有羊

武寨劉攽曰代州揚武寨其北有長城嶺

甯武府志樓煩嶺俗訛六番嶺在郡城南七里崞縣志

名六盤嶺鷓兒嶺石湖嶺皆在縣南明嘉靖二十年副

總兵丁璋戰死嶺下通志石湖水口在甯武東鳳凰山

在郡城南七里接六盤嶺山左右諸峰屬絡有紫峰山

有橫山有蓮花山段家山刁胡山麻糝嶺牛家嶺宋村

嶺塢塢嶺皆城南山也又城東十五里有柴峪山柴峪

水出其下

崞縣志崞山連峰疊嶂翠色森森上建秦將軍蒙恬廟

廟有金安陽王尙書無競大書崞山神三字元好問記

云神筆寶墨自當爲古今第一近五里有柏枝山山石

紋類柏枝故名太子扶蘇廟在焉前高山在縣南五十

里餘名玉皇瑞元好問嘗游之有前高山詩黃鬼山縣

西南七十里俗名牛羊嶺地界甯化石匣口縣西北四

十五里壁上刻人甚古石佛口縣西三十里北接朔州

界元未用石壘案元史本紀天曆元年九月命代州之雁門關崞州之陽武關皆穿壘

石爲南通廟嶺其西北有郎嶺關長城梁在縣西四十

五里其城遺址猶存案此卽高齊所築自馬陵戍至蘆土陞之城也馬陵戍在緡樂蘆

板口縣西南六十里明時傳烽崞縣由蘆板始元岡口

在縣西南八十里案元岡在揚武谷內

謹案蘆板卽樓煩之說猶羊虎谷爲揚武也石峽今

名石匣當是唐之石門關亦或後魏之石谷山地形志秀

容郡數城右石谷山土陞舊志並以爲蓋道梁據北入之路而

言實則宋四砦皆在山前以地形核之當在縣西北

三十里之廟嶺

右句注以西諸山在甯武朔州崞縣境者

過雁峰在今雁門關句注之巔也雁門水出其南北有豹突泉

代州志雁門山兩山對峙雁度其間上有過雁門特高與應州龍首山相應也明初建關於此雁樓在焉其南爲李牧祠雁門水導源關城東門外有藍水及雲際泉與之合曲行陁道中三十里出山過州城東入滹沱豹突泉在州北四十里雁門關西門外平地突出其勢猛奮故名北入桑乾

自關至廣武站出山二十里

與句注連脊而東者曰夏屋山其右有峰曰復宿山迤而北曰悲化巖曰香山在山陰縣界迤而南曰陽岐山在代州界

其北出之隘曰水峪夏屋水所源也又東曰胡峪或以爲東  
陘關也

史記趙世家襄子北登夏屋山請代王使廚人操銅料以  
食代王及從者行樹陰令率人各以料擊殺代王及從官  
遂興兵平代地正義曰括地志夏屋山今名賈母山在代  
州雁門縣東北三十五里夏屋與句注山相接蓋北方之  
險亦天下之阻路所以分別內外也案張儀傳云襄子與  
代王遇於句注之塞  
魏書帝紀天興六年幸南平城規度澤南面夏屋山背黃  
瓜堆以建新邑

水經注桑乾水又東北左合夏屋山水水南出夏屋山之  
東溪西北流逕故城西

唐書地理志雁門縣有東陘關

通典關甚險固與西  
陘關並爲句注之阻



金史地理志代州雁門縣有胡谷鎮應州金城縣有復宿

山

代州志夏屋山在州東北三十里一名夏壺一名賈屋

括地志云今名賈母皆一音之轉也山在句注陘東土

人名曰草塚山覆宿山在州東北三十五里夏屋之中

峰也舊志曰形圓似星一名饅頭一名牛心州主山也

寰宇記覆宿山一名伏牛山在雁門縣東南一十五里因州南鳳凰山有伏牛谷而誤也陽岐山在

州東北五十里舊有桂門關今閉塞胡峪山在州東北

四十五里有東津口或以卽東陘關也而水經注謂在

雁門郡南非所詳矣寰宇記東陘關在雁門縣南二十里舊志峪有脫甲

石石痕如甲掛焉

大同府志桑乾河南之山自代州北句注山迤邐而東

其在山陰縣南三十五里者曰復宿山高入漢表雲生其上則雨俗名草垛山金王拱碑云文殊大士經行留宿處故又名佛宿山下出水名何家泉西去五里爲化悲巖兩峰嵯峨壁立千仞東巖有石窟深廣可避風雨中建北嶽祠當留水滴日盈缶以禱雨奇驗南爲水峪口通代州界代州志水峪口在廣武城東十五里夏屋山卽復宿山之東在今代州山陰之間漢志所云廣武有夏屋山者也香山北距縣治三十里乃夏屋之別支三峰齊列松石蒼翠明王潛初詩所謂夏屋山前青玉案三峰卓立凌霄漢也下有村名沙家寺遼沙節度墓在焉南爲榆林口白泥河導源於此又龍門山亦距縣治三十里一名隘門

又東爲茹越嶺在繁峙應州界橫互百餘里以達於瓶形嶺  
今平刑關也與馬蘭小石大石凌雲壺盧大安圍城並茹越  
爲雁門東隘而北樓口介其中由北樓口迤而北連應州翠  
微山爲恆嶽之西支由平刑關迤而南有枚回嶺又南有巖  
頭山與秦巖近接爲五臺之北支

唐書突厥傳武德七年頡利願款北樓關請互市上不之  
拒

舊五代史唐紀清泰三年詔應州修茹越道

宋史地理志繁峙有茹越大石巖與瓶形梅回諸砦張蒼  
賢傳遼人自大石路南侵爲繁峙兵所敗張蒼傳蒼上言  
契丹文移宜密諭代州自雲應蔚至者由大石口入自朔  
至者由土陞入

寰宇記土地記云南城東三十八里有枚回嶺北與高是

山連麓接勢通爲高是山

案漢南城縣在繁峙東一百十里

滋水出靈邱

縣西南枚回山懸河五丈湍激之聲響動山谷樵采之夫

咸由此渡巨木淪胥久方出或落崖石無不粉碎也

案地

今阜平縣之茨溝與繁峙之枚回嶺連其水今謂之沙河

漢志南行唐牛飲山白陘谷滋水所出在其南沙河乃漢志恒水別源也方志多云滋水出靈邱

實則高是山在遠北枚回山在范南也

明史地理志繁峙北有茹越口東北有北樓口東有平刑

嶺又有郎嶺關應州西有小石口南有茹越口又有北婁大石等口

繁峙縣志馬蘭峪在縣西北十五里其北口與應州山

陰界鳳翹山在縣東北七十五里北臨六百口宋將楊

業領兵欲出大石路以避契丹鋒處也其西五里有小

石口小石口之南曰石梯山產柴皮炭西南距縣四十里又西爲茹越山南口去縣二十里北口在應州南四十里當兩口之衝有鐵角山卽茹越嶺也金曹之謙有過茹越嶺詩即嶺北去北樓口十里蓋天險也南出爲義興砦近砦有龍山在縣東北六十里釜山俗名鍋底山頂突兀形圓而黑冶河水出焉金雞洞俗傳有天雞天將雨則洞中喔喔作聲石人崖有大石高立雲表並距縣七十里由孤山而北至漢鹵城故縣其東二十里爲枚回山有村與山同名宋舊砦也東與靈邱縣及直隸之阜平縣界又東北十里曰瓶形嶺今平刑關在焉西南去縣城百三十里宋沈括云由石門子冷水鋪入瓶形枚回兩砦至代州是也金元德明有瓶形嶺早發

詩瓶形之北迤西有大山曰大安嶺去縣百二十里與  
渾源界東南有關城口西北有凌雲口皆前明置戍所  
也

大同府志應州南四十里曰茹越嶺壁立如屏中有書  
堂巖金進士曹之謙結廬處東北溝上有避靜坡其東  
曰龍灣山西北距州四十里山勢嵯峨灣曲上有龍池  
下爲大小山門宋朱弁記南山之麓平坡峻坂林木深  
秀卽其地也少南曰香峰山上有香峰寺翠微山西北  
距州三十里東起北嶽恆山之右龍首山迤西茹越龍  
灣諸峰西南連句注山蜿蜒環繞袤二百里有奇橫列  
州南似翠屏高不可量自復宿夏屋而東凡在山陰應  
州南者皆謂之南山因山爲塞昔稱阨要胡峪馬蘭茹

越大石小石北窠諸口分布聯絡路通代繁峙其下衆水分流東北入渾河西北入桑乾

右句注以東諸山在代州繁峙山陰應州界者